

81  
Von der Complexion vnd Art des Fleischs / diser Thieren sende  
die Scribenten nicht einer Meinung / aber der mehrertheil geben es vns  
gesund vnd schädlich / dann es ein schleimig / rosig Blut / gebäre vnd  
insonderheit denen zu schreicken so dem Podagra vnd Stein vnderworff  
fen / deme sie wie ihm woll / so ist es doch ganz lieblich zu essen / vnd  
halten es etlich für ein Schleck / Sauanarola gedencet auch eines Pries  
sters / der so gar gern Ael gessen / das nach seinem Absterben / ihm auff  
sein Grab auff dise weiß geschriben worden.

Gaudeant Anguillæ quia mortuus præbiter ille.  
Anguillas comedit qui centum ter quoquemille  
Aliter.

Gaudent Anguillæ quod mortuus ille.  
Presbiter Andreas qui capiebat eas.

Zu einer Zeit hat fast auß Frewd /  
Mit krum gebognen tanken /  
Der schlipffrig Ael im Neptuns Saal /  
Mit zischen vnd mit schwanken.  
Dieweil der Fraaß / Herr Andreas.  
Mit Todt war abgangen.  
Der tausent drey / hundert darben.  
Für sein Schlauch hat g'fangen.

Mit was Formb vnd vilerley Manieren / man die Ael / hin vnd  
wider fange / wirdt der günstige Läser bey dem obgemelten Colero son  
derlich / vnd danne bey dem Vlyls. Aldrou. wie auch ein sondere Gats  
tung bey dem Oppiano vnd AEliano finden.

Ich muß aber hiebey auch anzeigen / mit was Kunst ich Anno 1657. als  
ich an dem Port zu Ostia vnder Rom / da die Tyber ins Meer fallet / da  
selbsten etlich Tag des Winds erwartete / eine Anzahl Aele gefangen /  
ich hab namlich ein Puschel Regenwürm an ein Schnur gebunden / das  
ich hierzu keines Angels bedörffte / dieselbigen mit einer langen starcken  
Rhuten / so weit ich köne in den Auffluss der Tyber / da gefasht vnd